

## **Lög Hollnemafélags Listaháskóla Íslands**

### **1. gr.**

Félagið heitir Hollnemafélag Listaháskóla Íslands. Félagið er ófjárhagslegt almennt félag sem ekki er rekið í hagnaðarskyni.

### **2. gr.**

Heimili félagsins og varnarþing er í Reykjavík.

### **3. gr.**

Hlutverk félagsins er að efla umræður um nám, kennslu og rannsóknir við Listaháskóla Íslands og styrkja tengsl skólans við fyrrum nemendur sína og aðra þá, er bera hag skólans fyrir brjósti.

### **4. gr.**

Meginmarkmið félagsins eru að:

- vera vettvangur fyrir og stuðla að umræðum um nám, kennslu og rannsóknir á fræðasviðinu listir
- auka og styrkja tengsl Listaháskólans við fyrrum nemendur
- styrkja og styðja við nemendur Listaháskólans
- gæta að hagsmunum Listaháskólans í opinberri umræðu og ákvarðanatöku er varðar skólann

#### **5. gr.**

Allir útskrifaðir nemendur Listaháskólans eiga sjálfkrafa aðild að félaginu. Jafnframt er útskrifuðum nemendum úr Myndlistar- og handíðarskólanum og Leiklistarskóla Íslands boðin aðild að félaginu.

#### **6.gr.**

Skiptinemar og fyrrverandi nemendur sem ekki hafa lokið námi geta óskað eftir því að fá upplýsingar frá félaginu og er velkomið að taka þátt í viðburðum sem tengjast félaginu.

#### **7. gr.**

Félaginu er frjálst að afla tekna til að standa straum af rekstri félagsins, leiðir til þess geta verið svosem með:

- 1) Árgjaldi félagsmanna.
- 2) Frjálsum framlögum félagsmanna eða annarra.
- 3) Aðrar tekjur, sem til kunna að falla.

Fjáls framlög má merkja ákveðinni starfsemi eða tilteknu verkefni.

#### **8. gr.**

Reikningsár félagsins er almanaksárið.

#### **9. gr.**

Tveir skoðunarmenn skulu kanna reikninga félagsins fyrir liðið reikningsár og árita þá með eða án athugasemda. Skoðunarmenn skulu kosnir á aðalfundi.

**10. gr.**

Félagsfundur hefur æðsta vald í málefnum félagsins.

Félagsfundur, aðra en aðalfundur, skal halda þegar stjórn félagsins þykir við þurfa, samkvæmt fundarályktun, eða þegar minnst 15 félagsmenn krefjast þess skriflega, enda segja þeir til um hvers vegna þeir æskja fundar. Þegar lögmæt krafa um fundarhald er fram komin skal halda fund eigi síðar en innan mánaðar.

Stjórn skal boða til félagsfundar með hæfilegum fyrirvara. Í fundarboði skal stuttlega geta þeirra mála, sem á að fjalla um á fundinum.

**11. gr.**

Hverjum félagsfundur stýrir kjörinn fundarstjóri. Atkvæðagreiðsla um málefni á félagsfundur fer eftir því sem fundarstjóri ákveður. Skrifleg atkvæðagreiðsla skal fara fram komi fram ósk þess efnis frá a.m.k. helmingi fundarmanna sem mættir eru á þeim fundur sem kosning fer fram.

Afl meirihluta atkvæða ræður úrslitum mála á félagsfundur, nema annars sé getið í lögum félagsins og hver félagur hefur eitt atkvæði óháð því, hvert framlag hans til félagsins er.

**12. gr.**

Aðalfund skal halda fyrir lok apríl mánaðar ár hvert og skal boðað til hans með minnst tveggja vikna fyrirvara með sannanlegum hætti. Aðalfundur er auglýstur á vefsíðu Listaháskólans og boð sent á tölvupóstlista Hollnemafélagsins.

Lagabreytingartillögur skulu berast eigi síðar en viku fyrir aðalfund og dagskrá aðalfundar með lagabreytingartillögum skulu sendar til félagsmanna eigi síðar en 4 dögum fyrir aðalfund. Aðeins félagsmenn eiga rétt til setu á aðalfundi.

**13. gr.**

Dagskrá aðalfundar skal vera þessi:

- 1) Skýrsla og reikningar stjórnar fyrir liðið starfsár.
- 2) Umræður um skýrslu og reikninga.
- 3) Lagabreytingar.
- 4) Ákvörðun félagsgjalds.
- 5) Kosning stjórnar fyrir komandi starfsár.
- 6) Kosning tveggja skoðunarmanna.
- 7) Önnur mál.

**14. gr.**

Lögum félagsins verður aðeins breytt á aðalfundi og þarf til þess meirihluta fundarmanna.

**15. gr.**

Stjórn félagsins skipa fimm menn: Formaður, ritari, gjaldkeri og tveir meðstjórnendur. Stjórnin er kjörin til tveggja ára í senn.

Leitast er við að meðlimir í stjórn endurspegli fjölbreytt námssamfélag LHÍ ásamt einum starfsmanni skólans. Formaður skal kosinn sérstaklega, en að öðru leyti skiptir stjórnin með sér verkum.

**16. gr.**

Framkvæmdaráð Listaháskólans skal tilnefna fulltrúa starfsfólks skólans.

**17. gr.**

Heimilt er að bjóða fulltrúa stjórnar félagsins að sitja fagráðsfundi með málfrelsi og tillögurétti.

**18. gr.**

Stjórn félagsins fer með æðsta vald í málefnum félagsins á milli aðalfunda og sér um að framfylgja samþykktum aðalfundar og lögum félagsins.

Stjórn félagsins ræður málefnum þess með þeim takmörkunum, sem lög þessi setja. Stjórn félagsins tekur nánari ákvarðanir um starfsemi þess, ber ábyrgð á fjárreiðum þess, heldur skrá yfir félagi og framlög og ráðstafar óskilyrtum framlögum.

**19. gr.**

Samþykktum þessum verður ekki breytt nema á lögsmætum aðalfundi, enda greiði 2/3 fundarmanna atkvæði með breytingunni. Tillögur að breytingum þurfa að hafa borist stjórn svo tímanlega að þeirra sé hægt að geta í fundarboði.

**20. gr.**

Félaginu verður ekki slitið nema á aðalfundi og þá aðeins að 4/5 atkvæðisbærra félagsmanna samþykki þá ráðstöfun. Við félagsslit skal skipa þrjá fulltrúa í sérstakri skilanevnd. Við slit félagsins skulu eignir þess renna til Listaháskóla Íslands.

**21. gr.**

Lög þessi öðlast þegar gildi.

Samþykkt á aðalfundi Hollnemafélags Listaháskóla Íslands þann 15. Apríl 2026.